



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四〇〇

借秋山居詩鈔八卷附吹竹詞一卷 汪大經撰

一

夢東禪師遺集二卷 釋際醒撰

七五

午風堂集六卷 鄒炳泰撰

一三五

南屏山房集二十四卷 陳昌圖撰

一九九

余青園詩集四卷附補遺一卷 焦式沖撰

四四九

挹綠軒詩稿四卷挹綠軒吟餘詩草一卷挹綠軒詩稿補遺一卷

挹綠軒續稿一卷 長 闡撰

五二五

醫俗軒詩集三卷附詩餘一卷醫俗軒文集一卷 孔昭燾撰

六一三

深省堂文集一卷 景 安撰

六九三

深省堂閒吟集九卷深省堂隨筆一卷附保陽吟草 景 安撰

七一一

晉穉山詩鈔

序

余往者求詩洵上而弗得也於是慨然作華亭三
布衣傳久之得汪君西邨西邨浙之秀水人僑居
洵上餘四十年其羣從兄弟多顯仕而西邨落然
無俚壯歲試京師不得意歷齊魯燕趙楚豫之郊
悲歌慷慨還歸洵上所居西郭門外版扉老屋門
巷蕭然以賣字爲活行吟自遣聲出金石焉余過
其廬花藥蓊藹紙墨狼藉懸魚束脯酒籌菜把陌
錢裹餅錯雜左右皆求書者所致然洵上之人爭
購其書而余獨稱其詩西邨之書縱橫跌宕所涉
非一家大要歸本二米米法以峭拔險急爲能西
邨用其法爲書又以用之詩其詩喜橫豎自騁夷
與曠達不名一長大要五七字古體爲尤勝收攝
豪橫覃情擢思使筆如劍芒鋌四射所嚮摧陷極
側附傾歆之勢臨危據槁若墜若偈而淘汰融化
一造於深穩昔之稱詩者曰香象渡河其稱書者
曰怒猊抉石余讀西邨詩不知是一是二然後歎
西邨之神乎技也間從西郭門外步以過余軟脚
繫鞵蹣跚街市間坐定喘息脫其帽髮鬢髮老矣
余見未嘗不悲之而西邨殊怡然有以自樂者既

借秋山居詩鈔

一

別五六年行李之往來時時問西邨猶居西郭門外老健可喜賣字如故今者刻其詩以書抵子屬爲序余茲五十落魄江淮間驟形衰狀不啻如西邨前日自以心耗誠作詩轉頗學書而惜西邨之間闊不獲相從盤礴上下其議論也故著其能書并序生平涯略亦使後之讀其詩者有以想見其人云嘉慶甲子秋七月長洲王芑孫撰

借秋山居詩鈔目錄

卷之一

古今體詩五十四首

卷之二

古今體詩五十首

卷之三

古今體詩四十七首

卷之四

古今體詩四十一首

卷之五

古今體詩四十九首

借秋山居詩鈔目錄

卷之六

古今體詩六十首

卷之七

古今體詩六十二首

卷之八

古今體詩三十七首

附吹竹詞二十五闕

借秋山居詩鈔卷一

秀水 汪大經 書年

卷一

余寓茸城數年蔣春雨元龍屢訂來遊未果

今秋過里偕來踐約同人小集分韻

一舸乘潮至攜敲竹下齋未拋遊客展先質室人
釵文酒團新社溪山愜舊懷黃花開計日小住亦
云佳

戊子九月六日偕春雨暨徐復堂大容張花

農寶谿姚蔭汀晴林南邨克鉅遊橫雲山

借秋山居詩鈔卷一

過張文敏公西廬晚泊小赤壁下登其巔

歸飲綠杉野屋

我來客茲土已作五稔居勝地未一探邪得心目
舒昨喜故人至偕訪西山廬出郭天尚晦清風來
徐徐朝曦破半規影射篷牕虛楓林絢紅碧點染
三秋餘茅屋雞一聲搖搖指煙墟

隔溪山爭迎轉櫂忽不見杖策循山根層蹋雲片
片息足借鄰扉觀心憩僧院摩壁記舊題昔人如
可面壁間多文敏巖壑窈而深結構疎以善但覺
境難盡不知中路轉憑虛更延眺天際橫匹練

解纜日已午高興殊未央赤壁一卷石言在南山
陽移舟爲小泊溼翠盈兩眶高或無百仞險若躋
太行同遊五六輩各誇腰腳強賈勇登其巔山風
吹浪浪接臂援引下徑轉迷歸航

舟子催起舵夕陽挂帆腳暮鳥爭枝棲引我歸思
躍談諧忘路遙抵舍月將落相與作泥飲重有湖
山約時訂同遊西湖佳境夢未結勝遊心已諾平生耶壑
緣頗羨謝康樂腳力俟少養好再芒屨縛

湖上

幾朶雲鬢冒暮煙一篙新漲碧連天飛來水鳥不

借秋山居詩鈔卷一

知數多就蓼花深處眠

冒雨至湖上宿德生菴

一雨破老晴既雨遂不歇衝泥喚輕舸瀟瀟作鳬
發湖山冷如夢隱約青一髮尋幽憩僧樓深公許
通謁得居雨亦佳底須遲明月晨當試吟筇鏗然
卓凹凸

過淨慈寺憶焚虛明中讓山篆玉兩上人皆

於丙戌秋先後怛化

偶然塵夢醒來聽雨餘鐘牕色歸深樹秋陰染一
峯憶從懶瓚去難更瘦權逢舊日論詩地蒼涼徑

薛封

曉雨坐雲林方丈

一夜不成寐上方鐘又聞氣蒸叢薄雨寒壓亂山
雲曉色侵眉冷秋聲到耳分何妨學彌勒禪飲坐
微醺

紫雲洞

曉起斷檐溜微陽漏耿耿因逐樵人蹤來過湖西
嶺曲磴螺殼旋仄徑龜背亘人從樹杪上百折乃
至頂谿訝闕古洞吞吐溼雲影局脊類入甕坎窞
比坐井山深古木寒澗細流泉靜欲學阮公嘯恐

信秋山居詩鈔卷一

三

驚蟄龍醒簌簌陰風生逼我毛髮冷拾級梯而登
出險衣乃整疎林聞磬聲吟策思更騁

金鼓洞

信步循山腰數峯青相連言尋金鼓洞中有金鼓
泉雙扉彈指開揖我茹芝仙其泉寒以冽其洞黝
且裕仙居借作厨陵虛架飛椽巖罅一突聳高欲
浮雲穿炊煙時縷生不辨雲與煙乃知洞中境故
自別有天丹房轉清寂誰參祖師禪禪壁挂遺像
對之堪忘年安得此靜坐永斷塵土緣

黃龍洞

過嶺不數里乃是南山麓有洞名黃龍下有毒龍
伏同人皆好奇急欲快心目兩腳不能止徑造一
峯獨幽深等坎井寬廣喻豐屋俯視心已悸欲下
足還縮昏黑無可見燎柴以代燭亭亭紫金相忽
見一丈六片石蓋若笠不雨雲常宿我來秋潦餘
山山漱鳴玉日冷干樹松風憂萬竿竹空翠紛撲
衣淒然映寒綠行行望前林夕陰暖平陸

冰玉山房主人邀余看梅晨爲鄰翁拉去酒
闌始往客已盈座矣秉燭看花復飲大醉
歸賦十二韻報之

信秋山居詩鈔卷一

四

入春市月醉不醒思借山水開雙瞳東風吹送片
帆穩兩日快抵西子湖信哉湖山能療俗歸來筋
骨爲少蘇屏居忽枉故人札報言山房梅正敷晨
興啟扁腳未拔隔籬又聽鄰翁呼謂我庭梅亦吐
萼羅浮綽約多仙姝孤芳冷豔若有待老饕頗想
熊魚俱深杯落手既滿覆乘興復走城南隅燒鐙
看花花更好况多佳客環尊壺豈知狂態不可遏
失手碎卻青珊瑚花前醉倒伴花臥起視明月光
模糊了又一揖大笑扶醉去從茲日日來索梅花
逋

和王史亭嘉會報謝沈沃田先生贈華嚴經

之作

義學零落嗟散沙清涼師疏雨寶華乾闥婆音大地震貝多羅葉香雲袈吾師沃田老居士觀空法眼窮幽遐偶拈句文揮談塵名理絡繹森天葩若琉璃餅鑒毛髮如楊枝水淨齒牙佛說多聞爲第一妙義懸解追奢摩近者同心得摩詰前因想亦毗茶耶竭來見經生歡喜贊歎希有重驚嗟方廣全憑願力進圓頓寧被塵障遮七處九會恍未散科分料簡勞梳爬脫歸頂禮供擊叩莊嚴楯樞烝晨霞三藏法海可互證密行旁涉兼瑜伽慧日遍照娑羅樹禪月微印優曇花世人佞佛非好佛檀施膜拜徒紛拏因緣幻合夢蕉鹿眞妄輟爲驚存蛇鈍根誦帚竟何益窮子安得還其家玉堂先生善知識塵垢吾媿申屠嘉

沈又希范孫至自嘉興以詩見贈因次韻答

之

金井陰飄一葉初秋光先到小茅廬風騷舊地原多伴珠桂他鄉未易居問訊每勞佳客過平安藉報故人書連宵文酒團頭話松月窺牕幸不虛

借秋山居詩鈔卷十

五

鸚鵡螺歌陳亦山寅席上賦

美人既醉朱顏酡陳君忽出鸚鵡螺傳觀一座詫奇絕乘興爲賦鸚鵡歌吾聞茲螺乃楚產胚胎靈氣潛江沱煙波浩渺出復沒星精倒射珍珠窩何時脫殼化仙去好事制作金叵羅藏諸韞匱裏以錦綸賈豈惜千緡多持來綺席供客賞拂拭玉粉疑新磨一螺腹寬頂貫紐背簇黛綠如柔蛾一螺較小其面皴下跌三足平不頗實之足可容斗酒飲之勢欲吸百川銳味利喙雙眼活喚作鸚鵡名非譌是時華堂燭見跋一鞭月魄停纖阿礪何歷碌光四射酒酣重起三摩抄螺乎螺乎我將藉爾澆塊壘慎勿接翅飛去羣鴛鴦

撤蘭

集如人數畫蘭葉於紙默識杖頭之數於下以次遞減中虛其一人各誌一葉乃出示以爲算緡之準名曰撤蘭卽古合錢飲酒遺意也前無詠及此者爰與同人賦焉

足音空谷蹙不速客來五咄嗟辦中厨釀飲禮徵古雅集創撤蘭韻事酒場補意采其良如巧借同心聚作葉不作花寫根不寫土蕭然抽幾莖其下

借秋山居詩鈔卷十

六

注什伍數同闕暗藏算比籌遞數譬之書券然合錢便可酤夫豈錙銖爭耶戲勝負賭一笑謝諸君徒餽肯我許

夜渡春申浦

來往江湖意渺然昏黃一艖破寒煙驚濤直起孤篷外明月常窺倦枕邊靜夜魚龍還出浴忘機鷗鷺自安眠曾茲風雪三朝困彈指流光又十年辛巳冬渡浦風雪守此者三日

和翁石瓠春感舊之作

秋心老去感飄零蟾沒烏沈迅肯停向秀自裁思舊賦揚雄空著太元經風花已落難歸樹雲水無情只逐萍拋卻浮名君計得應知世眼本難青

重喜春雨至

惜別無多日相思及暮秋忽聞疎柳岸又繫故人舟少慰離羣感翻添望遠愁與君俱是客不厭數登樓

柳灣小泊

峭帆飛欲墮小泊滯沙汀煙散一湖白雲封雙岫青蛩音淒晚節漁唱入空冥又促橫波去浮生類轉萍

湖州

溼雲飛不散半壁失空明隔岸山橫野環濠水抱城客懷隨地改鄉味入秋清遙企平林外炊煙幾處生

曉晴登道場山望太湖

峯峯結芙蓉靈境天所假溼翠含晴規霽曉光四射城南道場山探幽樂清暇屐齒厲已久泥滑詎云怕登頓躡層巖力許短筇借徑仄仰視艱壑深俯瞰詫忽覺天宇寬橫流一帶瀉長風駕巨浪點點征帆卸隔湖山半隱明滅波濤鏘憶昔玉局仙曾此築亭榭茲遊洵大觀欲返吾肯罷曲折循山行秋塍香穠穰

南潯歸棹

百折茗溪水無端往復還船頭邀落月鑄背別青山道渚飛鴻杳團沙宿鷺閒五更霜萬點蕭瑟上秋顏

題宋筠州永讀畫圖

筠州作詩如作畫溪山歷歷宛向素壁挂筠州愛畫如愛詩每逢佳處一一能領之簣簣萬个環作屋屋外青山圖幾幅不知置身圖畫間卻把真山

作畫讀隔江煙翠橫蒼峯峯倒插波中央冷光
一片畫不得暈成金碧明斜陽平生愛畫亦成癖
恨未與君同結宅何時把袂立江干不妨暫作棲
霞客我近浮家峯泖住暇便攜筇頂笠去有青山
處卽爲家夢魂飛徧天之涯

送毛佩芳紹蘭還嚴州

擲卻離觴便挂帆鷗聲淒逐鴈聲南篷牕欹枕填
新句竹屋分燈補舊談到日正持杯第九去時相
送月初三客程愛殺嚴陵道無數秋山浸碧潭

渡太湖

信秋曰寄鈔卷一

九

風迅湖波闊雲昏日色冥萬千餘頃白七十二峯
青滿載惟書卷輕帆過洞庭蓼蓼聞打鼓來往賣
魚船

昭關

設險嚴關據南來此上游濤聲欺閣冷山勢壓城
秋江漠流終古英雄死卽休荻蘆飛似雪風起見
漁舟

風雨不寐有感

尖風射罽作鬼嘯短鐵燈檠閃殘照蕭蕭落葉打
寒牕僵木怪鳴挾雨叫風聲雨聲戰葉聲萬聲力

與萬竅爭使我聽之不得寐夜半起舞思劉生匣
中劍亦錚錚鳴

壬辰正月二十三日復自丹徒開渡江曉泊

瓜步

谷陽渡口更五點舟子拔碇喚渡江夢中驚我醉
魂醒聲喧音雜言多噓披衣急起敲石火吹紅一
點疑星釭孤篷飄泊如一葉插橋高掉都盧檣撐
帆十幅競先發乘流頃刻衝奔瀧江波萬疊卷匹
練瀉入大海聲洪淙遙空缺月落未落下上跳擲
銀丸雙船頭擘破萬漚浪篷底盡拓黃油窗驚濤

信秋曰寄鈔卷一

十

濺沫溼衣袂陵風箭急飛輕絳快哉此景信難得
安坐肯放心神懷焦山瞥眼倏已過恨不於此舉
蘭芷餘峯磊磊睡已足偃蹇修臥頽眉麗珊瑚海
底忽漏網金鴉盤翹龍爭降積陰淨掃衆山出綿
延天際連崕峴樓臺半壁橫北固天遣鎮壓東南
邦金山寺界水精域巍然孤塔撐青甍好風吹送
塔鈴語似欲招我陵苔缸中冷遙望翠欲滴亭亭
如建蓮花幢須臾風息帆亦卸泊舟半繫枯楊椿
舵工小歇坐炊飯瓜步又聽晨鐘撞

東江玉屏立家雪疆齋卽用沃田先生學福

齋壁間韻

雲釀輕寒薄未消煙花何處得春饒慣聽虛館三更雨遲放平湖二尺橈過客光陰催短夢伴人燈火耐深宵劇憐騎鶴人歸去雲路茫茫不可招

田先生
已下世

二月一日大雪閱丈玉井畢借江丈松泉昱

過訪拉集玲瓏山館分二冬韻

我本花田酒田之嬾農襍被偶聽蕪城鐘白頭浪裏慣掀簾支頤看徧江上峯蕭條旅舍旬日住媚人漸覺春光濃頗思小試遊腳健覓路好趁探花

借秋山居詩鈔卷一

十二

蜂豈知天公善狡獪吹寒一昔陵巖冬侵晨推窗雪滿地倒頭復睡忘朝餐衾裯潑水作蜩縮打門有客尋羈蹤蹉跎然足音聽忽至飄飄白髮垂鬆鬆搥牀大聲呼起起怪我少壯偏疎慵兩翁於今推老宿湖海意氣高元龍論年倍我禮父事而乃枉過勞支筇歡然道故結深契驢壇強促操觚從山齋舊是觴詠地朋簪先後聯歡悰是時雪色透窗紙亂飄碎玉光溶溶庭煙霏霏霄叢竹林風謾謾吹長松紛空但覺眩銀海流汞十斛皆銷鎔寒威向晚逼尤甚圍爐獸炭添重重各分旗鼓堅壁壘

新詩豔鬪青芙蓉兩翁氣壓萬夫將四座袖手觀軍容諸公同時悉勁敵長城各致偏師攻匪材敢出臨大陣得句快比萬戶封臂之弱國附強國衛風亦復收邸鄘雄談卜晝更卜夜起拍瑤瓊春醅釀釘盤豈待咄嗟辦橘奴栗子厨能供樺燈影底頽兩頰琥珀光凸瑯璫鍾客居如此殊不惡故園株守誠何庸所嗟卽日分手去挂帆又欲歸吳淞人生聚難別易耳萍浮梗泛何由逢不知後會在何處且仗尊酒開心胃畱賸慷慨聊當別豪端凍禿猩猩鋒

借秋山居詩鈔卷一

十三

夜雨

今日東風太放顛昏黃吹作雨纖纖溼侵街鼓聲猶澀寒逼窗燈燄不尖滴洒半春花事少丁耽一夜旅愁兼故鄉夢斷人千里多半情懷酒後添

三日復雪午後少霽跨驢自虹橋至平山堂

徧游水北諸園歸途獨飲翠竹居感賦四

首

春仲尚苦寒積陰錯晨夜密雨細於絲廉纖夾雪下紛空俄撥鹽融溼看易化蹋作街頭泥一尺深沒裸主人有蹇驢暇定許我借跨之思出游遲顧

僕夫罵

當午天放晴雪意亦云闌衝寒賴酒力軟飽妨朝
餐行行出北門十里修途寬紅橋畱勝址過此多
名園亭臺俯淥水遙睇隔沈瀾長松間疎竹掩映
遮層巒煙翠溼不分亂落春波寒斜陽忽倒景蕩
漾珊瑚丸浮雲互明晦變幻非一端悔不買短篷
溯洄借所歡

高者峻曰嶺低者平曰岡馬蹏行得得更上山
堂三字書八分遺墨傳歐陽堂東多老梅晴雪飄
素香流泉鳴汨汨湧湧堂之旁花頂結飛樓吞吐

借秋山居詩鈔卷一

三

含江光江山接平遠一帶延青蒼隱約深樹外葉
葉飛輕航

返轡遵故塗暝色上樹杪竟日耽佳游餘興殊未
了茅檐展酒帘招我酌清醪斗室頗清幽四面叢
碧繞憶昔飲西湖二三拉同好林子今下世徒使
悲宿草芷汀與竹堂各以俗牽羈我獨客邦溝復
此事幽討譬之不繫舟飄泊難自料得句且題壁
一尺塵代掃

花生日

春冰已泮春水波枝南枝北花漸多久雨始知晴

借秋山居詩鈔

日好鳥聲圓弄春風和人間萬事不常在只有青
春來不改偷閒使得半日閒好景何用一錢買年
年此日是良時花前常斟酒一卮卻怪今年浪作
客故園有花開未知

渡淮

地接黃河近天連白浪高孤篷蔽風雨雙槳劃波
濤平子憐同病安仁歎二毛從來重然諾歷險不
辭勞

過無錫不得登惠山

好山如麗人聞名輒生慕而況親覲之邪不爲小

借秋山居詩鈔卷一

五

駐惠泉我夙契客經凡幾度往來多夢游曾未及
一顧昨返自廣陵飯罷思策步謂當恣幽討竹爐
尋舊句呶呶柰舟子掉頭不肯住撐帆飽受風歸
心與之赴迅速轉山胥白雲橫積素平波開圓鏡
幾點煙光暮回首孤翠鬟猶見半身露

宋烈女詩

鑑湖有賢媛嫁作同里宋郎妻彼妹者子淑且婉
盈盈十五初結褵結褵未久郎抱疾郎疾將危妾
心急舉刀刲股泣訴天耶疾可療身敢惜皇天慘
不鑒妾誠心肝嘔卻徒吞聲與郎同生亦同死郎

九

死寧甘妾獨生妾不獨生奈何許郎竟何心拋妾
去黃泉有約期相誓郎去無憂妾隨至豈弗傷懷
念白首幸少遺孤泣黃口有子弗得事父母弱息
何能養姑舅不忍獨宿歸空房紅繩三尺懸中梁
生則同衾死同穴高堂哭送來北邙一丸白日淡
荒墓墓上今生連理樹年年女伴蹋青來再拜墳
前酌芳醕

盤長安壩聯句

河流汨汨來臨安

蔣元龍

建瓴直走無迴湍

秋白

原田萬頃愁曠乾

王復

帶束土壩函封丸

春厚

借秋白居詩夢卷一

五

九尺坂高丈灘

秋白

上下從此渟鏡瀾

秋勝

舟各依河干

春雨

尾畢逋接鱗次攢

秋白

取青蚨攤

秋勝

霸夫力疲呼集難

春雨

牢鉤盤

秋白

船尾倒矗拖蹢躅

秋勝

井榦

春雨

長繩十丈徐徐盤

秋白

彈

秋勝

如石磨轉牛怯嘽

春雨

秋白

神

色慘若腰脰酸

秋勝

雨

貶

眼直欲千里拚

秋白

一篙橫絕當艣欄

春雨

柳陰小憩整豆簞

秋白

亦坐嘯謀飢餐

秋勝

薄醉且飽羹酪殘

春雨

圭月升林端

秋白

微香吹送莎汀蘭

秋勝

過臨平飲安平泉

古剎隱叢薄連峯障其背山門一滄泉靜與碧流
對深廣測丈尋靈脈衆源滙烈日煎不渾寒影散
空碎遠近集販航舐衾裘滿載汲水等沽酒居奇
笑僧輩三爵飲而甘一錢投豈愛泉以名自鬻貨
取我深慨

湖上晚歸遇雨

借秋白居詩夢卷一

五

金烏盤翅飛欲墮驕龍挾子橫空過忽看觸石雲
寸輿頃刻紛麻雨勢作初疑提綱繫網急旋見塵
沙雜揚簸震雷疾走山谷搖狂飈倒卷軒窗破繞
隄密樹舞層層逆浪扁舟顛箇箇玉女笑開萬炬
花碧翁怒碾干鈞磨亂落波心大小珠隱隱九天
聞咳唾頽唐峯色黛嬾描黯淡湖光鏡受澗十里
裘成水墨圖片時失卻雲屏座掃除溽暑故人來
拜賜甘霖田父賀我游適自南山回肯厭泥塗喚
無柰著腳何嫌苔蘚滑蓋頭尚喜簑笠大得非天
公惜憔悴特爲吾曹洗垢渠歸來且覓醅酌鄉夢

穩禪牀試高臥

湖樓晚眺

雷雨條然止卷簾風滿樓亂泉趨壑壯落日湧波
流薄醉妨吟役高居抵臥遊不須愁寂寞相識有
閒鷗

飛來峯洞

今年暑不酷淒颼先秋至上山復下山息足白雲
地暗泉漱山根寒慄悄人意側景漏曦光石乳滴
柔膩空谷自生風寂寂發涼吹探幽吾豈倦夕照
落松翠

宿德生庵

指點遙山翠有無空濛雲影望模糊夜深涼月淨
於鏡柔縹一枝搖過湖

自虎跑步至理安寺

赤日不到地悄然秋思深山陰常覺兩人靜始聞
禽竹染新涼色泉流太古音上方鐘已動我尚事
幽尋

韜光

韜光緣危磴援引不能縱平生雅嗜奇肯怕腰腳
痛卻喜徑稍寬短童扶可共竹深山欲藏煙重林

借秋山居詩鈔卷一

七

借秋山居詩鈔

蔑縫有時漏天光片碧恰填空絕頂聞鐘魚淨衆
嚴課誦仙人畱遺蹟茗粥今尚供浮雲拂面迎落
日舉頭送欲上北高峯下界鳥已夢

山行

閒雲多媚態幽鳥無驚唬松陰鋪滿徑曲折循清
溪冷然好風來綠草增萋萋羣峯互向背莫辨東
與西偶逢采樵子指我歸途迷

癸巳秋初過故園

盡掃閒愁得暫歸此心肯與故園違涼生蘋末微
颺動秋見梧梢一葉飛十載寄人疎舊雨百年勝

借秋山居詩鈔卷一

七

地付斜暉近聞羣從多風雅故事重修未覺非

田田處舊時觴咏地也久不見荷矣今年從
弟雲壑如洋補種之約同人修故事焉喜

志以詩

勝事重來問水濱紅情綠意一番新園亭當日多
賢主國爲曹倦園先生舊業風雅於今有替人望
裏煙波明半頃夢中香影愴前塵爾兄亦抱耽花
癖惆悵天涯失比鄰

食菱歌

鯉魚風起湖波活菱花滿湖飛作雪唱罷蓮歌唱

采菱正值秋中好時節我昨扁舟返故鄉水田盡見繩爲疆三年不飽故鄉味青錢買得爭先嘗嶄然峭利露頭角外雖含刺內如玉時人但解徹頂圓反怪圭方難入俗豈知此味廉且清藕呼作弟荷呼兄五湖買斷烟水窟吾將託此逃浮名

雲壑從弟招同錢百泉世錫菽原士杰王秋

陸又希弟橘田大綸集范湖草堂

到家昨甫卸征衣便有提壺客闐扉眼底風光餘冷暖酒邊鄉物話鮮肥春歸老屋花仍發人去天涯夢少依猶賴弟兄羣聚影五湖遲我片帆飛

借秋山居詩鈔卷一

七

借秋山居詩鈔卷一終

借秋山居詩鈔卷二

秀水 汪大經 書年

卷二

野泊

三月春風顛落花雜飛絮舟行閣淺沙野宿不知處夜半暗潮生孤篷載夢去

吳淞道中

照眼明於鏡遙空淨晚煙雨餘巒翠活風細浪紋圓禿樹如人立閒鷗伴客眠此鄉眞澤國魚蟹不論錢

借秋山居詩鈔卷二

一

靈巖山

朝曦射初桃影落峯際塔舍與步仄徑粒粒露珠踏寺門面湖開湖光互歎欲想見煙暝時濕翠萬頃納琴臺眇何處導我來破衲躡屐躋其顛拂袖松風颭雲外一聲鐘響聽四山答

寒山訪友不值

偶然懷二妙艤楫白雲隈采藥客何處尋芳人獨來絮飄三月雪瀑響四山雷指點歸時路松陰落照催

嶧山道中曉行

暑月人皆趁曉行涼風吹透葛衣層吐山殘月細
於綫隔樹一星明似鐙酒驛茶亭過造次鞭絲帽
影與膏騰南來未厭馳驅苦我亦居然款段乘

畱別高東井 文照

天涯也復悵離羣翦燭西窗話夜分此後依人應
念我比來求友孰如君夢回霄水連蒼水目斷燕
雲與楚雲一櫂他時倘過訪草廬記取范湖清

金苓坡 以塾餞飲畱別

葛衣相晤綿衣別射策來投抱策歸半載京華成
浪跡三秋心事託寒灰 余以鹿園兄分未添覽勝較棘闢不與試

借秋山居詩鈔卷一

詩千首不厭澆愁酒百杯撲面黃塵明日又夜深
鑪火且同煨

宿臺兒莊店

一程程路江南近破壁孤燈黯夜闌襪被漫投千
里道敝裘可耐五更寒熟商巾襪還家洗隨分茶
湯到處安明日飛帆竟南下江濤如雪倚篷看

春柳和花農卽效其體

碧水迷茫一望遙湖邊弱柳得春饒半痕青入東
君眼幾縷纖迴少女腰寒食那堪風更雨相思誰
共暮還朝天涯何處無離別底說銷魂但瀟橋

抵松後寄故園諸子

修竹鄉幽暫卜居尊鱸招我賦歸與江湖頗悔輕
橫權風雨難忘舊做廬慰藉聊憑三勺酒平安先
報一緘書故園朋好如相問爲道疎狂習未除

岸舫歌爲花農作

陸處有屋水有舟屋可著書舟出游知君於此興
不淺以舟作屋制仿歐陽修菰蘆深處縛初就儼
然六柱三板四拓黃窗油登君之堂卽有江湖萬
里思恨無大力撐去白蘋紅蓼之芳洲讓君安居
不怕風浪惡名曰岸舫而實同瓜牛我聞君家舊

借秋山居詩鈔卷二

三

有書畫舫米菴遺跡今存不煙雲過眼等泡影何
如此舫遮風葢雨安穩臨溪流或高臥而赤腳或
孤坐而科頭煮茗可以消渴酤酒可以澆愁招隱
有黃鵠尋盟有白鷗三篙水漲鴨頭綠波光吞吐
遙山浮有時風細月初上一竿便向波中投炎官
熱客跡不到樵兄漁弟眞君儔君今示我圖使我
對之開病眸猶記昔年富春江上嚴祠畔扁舟曾
作半日畱眼前好景畫不得卻教吾子圖中收今
朝見畫定有幽夢落江上夢醒依然一庭涼月還
臥虛堂秋

魚穿聯句四十韻

巧悅活鱗性石坡 鈞甄創製穿粗敎搏墮餘大
堂雅欲謝雕鏤品列槃張寶 工仍匣鉢先
玲瓏疏孔大秋白 窈窕環聯桶脫虛三疊石坡
輪空澈四邊心通居士一復堂 眼喻法王千寬比
秦篝覆花農 疎殊楚簾懸用沈長頸甕秋白 合注
醒心泉滿浸渠渠溢石坡 橫流節節宣詩徵廣罩
單復堂 語借狎圈圈策策循聲應花農 喁喁聚影
駢溯洄從下上秋白 左右恣盤旋潑觸靈機活石坡
坡羣依適趣便別開波底域復堂 各占洞中天鑿
龔光明甚花農 琉璣境界然取離非結網秋白 習
坎却忘筌毬路尋逾熟石坡 渦紋曲更圓如城渚
樂國復堂 似塔斷危顛渟浴層加累花農 滋通章
悉捐低窺籬不隔秋白 淺測井思填豈致蹄涔詢
石坡 奚煩轍涸憐潛蚪輸自在復堂 尺蠖少因緣
小樣桃源記花農 分明水鏡篇常輝珠散浦秋白
永貯月盈川綠亂萍絲貫石坡 參差藻帶纏落黏
紅片片復堂 靜漾綠娟娟竹蔭涼深透花農 苔痕
滑瘦沿纖埃飛莫入秋白 浮靄映相鮮牧養書亡
錄石坡 陶漁志待編人癡疑丙穴復堂 我笑憶丁

借秋山居詩卷二

四

年游行花堆嶼花農 嬉頭葦縛船吹荷拖漣浪秋
白 濺沫迸連錢綫引投芳餌石坡 筒操汲細涓摘
枝援蟻渡復堂 拈葉剔蝸涎渺此兒童戲花農 啜
於婢妾偏隙駒驚迅駛秋白 磨蝎尚勞牽藉作冰
壺鑒石坡 旁參雪竇禪生涯九折坂復堂 世事百
重淵雲雨期誰假花農 江湖樂自全龍門無復夢
秋白 卽目悟遊仙石坡

見梅花有憶

與子久契闊開如來故知春風一別後何日不相
思醒眼瞥初見孤心寒自持虛窗橫瘦影惆悵夜

深時

借秋山居詩卷二

五

盡日無言對孤芳賞獨眞一枝懷故宇幾度憶前
身得氣何妨凍幽棲不管春白描誰好手愁殺苦
吟人

乙未夏唐春巖招集伴花吟鳴

凍雨曉滑道潮落膠行船北郊有夙約悵望心空
煎杖藜掖我行屢滑卻復前力倦始款戶雨腳猶
纏綿杯酒固素嗜亦藉歡悰聯遙窺新綠影忽散
絲絲烟晚晴景最佳邀月上綺筵扶醉嬾歸去還
就東家眠